



## Universitätsbibliothek Paderborn

**Cornelii Jansenii Ipreensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

§. 9. Jansenij Vindices adinstar Pelagij ac Cælestij judices fallere nituntur.

**urn:nbn:de:hbz:466:1-39351**

Uti Pelagius, ac Cælestius à nativo significatu ac sensu Vociis Gratia devii, judices fefellerunt; ita & Iansenij Vindices fallere nituntur deviando à naturali Propositionum famosarum sensu.

**V**ersipellis cum discipulo suo Cælestio hostis Gratiæ, liberi inflator arbitrij Legisque Laudator Pelagius, Versicolorem voci Gratia sensum subesse commentus est. Dum abjudicatæ Gratiæ reus arcessitur, nomen Gratiæ confessus, Gratiæ virtutem negat. Orco transcribere Jussus eos qui ad singulos pietatis actus Gratiam esse necessariam, inficias eunt; parili voce, at sensu dilpari profitetur: *Anathemo qui sentit vel dicit, Gratiam Dei, quâ Christus s. Aug. de venit in hunc mundum peccatores salvos facere, non Grat. Christi solùm per singulas horas, aut per singula momenta, cap. 2.* sed etiam per singulos actus nostros non esse necessariam. Et, qui hanc conantur auferre pœnas sortiuntur æternas. Quisquis hæc audit, ut observat Gratiæ Doctor, & sensum ejus ignorat, quem in Libris suis satis evidenter expressit... omnino eum putat hoc sentire quod veritas habet. Quisquis autem, quid in eis (**L**IBRIS **S**U**I**S) **A**PERTIUS **D**ICAT adverit, debet habere etiam ista verba suspecta. Quia nempè Christi Gratiam non modo in remissione peccatorum, sed & in memoria Dominici collocavit Exempli.

Jussus quoque Anathematizare eos qui asserunt Gratiam Dei secundum merita nostra dari,

## 60 DISSERTATIO

ri, non renuit, sub sensu Gratiae naturam complexus. De quo rursum convictus ad aliam Gratiae notionem ab Ecclesiastico sensu alienam confudit, Legem, Doctrinam, ac revelationem. Nam ne Gratiae censeretur injurius; adjuvat, inquit, nos Deus per doctrinam & revelationem suam, dum cordis nostri oculos aperit, &c.

cap. 7.

Ita Verficolori Gratiae sensu inimici Gratiae voluerunt Ecclesiæ illudere speciem habentes pietatis, virtutem autem abnegantes.

Hosce æmulari videntur Jansenii Vindices, qui famosam ejus Pentadem voce tenus dominant; sed in Jansenii sensu comprobant, Comminiscentes alium sensum, quam verba præferunt: quasi Romani Antistites vago ac indeterminato sensu, & non ut novo errore resperfas, & Janseniano quidem, quinque propositiones damnassent. Atque hoc pacto eas, ut subjectas Lutheranorum aut Calvinistarum pravo intellectui execrables ducunt; at in sensu altero ut Augustinianas, ut Catholicas, ut, indemnabiles rati. Hinc Avitus Academicus seu Paulus Aurelius, postquam propositionibus his Catholicum sensum adpinxerat, ut putat, subdit: non hæc eo à me animo proferuntur, ut propositiones ipsas (quas velut pessimum diaboli, Ecclesiam depopulantis stratagemma æterno Anathemate sepeliri, & ab omnium hominum memoria aboleri par est) crudas ut iacent, atque intermis suis tuear; sed, ut eas separem à Veritatibus Magnis, necessariis, certoque Catholicis, quibus aliquo pacto contigua & affines sunt; adeoque obtemperem scripture monenti: si separaveris pretiosum à Vili.

Paulus Au-  
rel. prolog.  
Galeat.  
p. 67.

Damnablem vero sensum, sed quem verba naturaliter non efferunt, illis attribuit, & in illo damnat, non ut Jansenianas, sed Luthe-  
ranas

## P R O D R O M A .      61

ranas aut Calvinianas. v.g. Primæ propositioni hunc sensum adscribit : *Aliqua Dei præcepta Iustis omnibus volentibus & conantibus secundum præsentis vitæ vires sunt absolutè impossibilia &c.*

Secundæ verò hunc : *Interiori Gratia, utpote Liberum arbitrium necessitanti seu violentiam adferenti nunquam resistitur,*

Propositio verò damnata Gratiae necessitantis non meminit, plusquam hæc contra Pelagium damnata : *Gratia non secundum merita datur, meminit naturæ, Legis, aut Doctrinæ.* Adeoque, ut Pelagius vocem *Gratia* ad natu-ram quæ gratis datur, vel ad legem abusivè detorsit, & Palæstinos Judices circumscriptis; ita Paulus Aurelius, & alii Vocem *Gratia* ad necessitantem, cuius ne umbra quidem è Verbis emitet, detorquendo, Sedem Apostolicam circumventam volunt. Consimiliter longo intervallo dissidet propositio damnata ab hac supposita : *Aliqua præcepta Iustis omnibus volentibus & conantibus sunt absolutè impossibilia.* Prima namque est indefinita, secunda univer-salis. Prima impossibilitatem aliquam indicat, secunda amplificat, & absolutam designat, quam-lem Lutherani & Calvinistæ commenti sunt in omnibus Iustis respectu præcepti, *non concupisces.*

Porrò Innocent. XII. planè declaravit damnatas esse præpositiones *in sensu obvio*, quem ipsa propositionum verba præ se ferunt, & Cle-mens XI. sensum illum obvium esse Jansenii declaravit. Jansenius verò cum Luthero & Calvino nil commune docuit, sed novam hæ-resim seu errorem ex malo S. Augustini intellectu condidit, qui verbis propositionum famosarum nativo ac obvio sensu expressis elucet, prout in hoc opere evictum imus.

§. 10. Sen.